

Arbeidsgruppe Sikker drift – Studieforskrift

Høyringsnotat 12.09.16

Framlegg til samansetjing og arbeidsform for Klagenemnda

Bakgrunn

Arbeidsgruppa Sikker drift – Studieforskrift har som ein del av mandatet fått ansvar for å foreslå samansetjing og arbeidsform for klagenemnda for Høgskulen på Vestlandet (HVL). Den nye høgskulen vert etablert 01.01.17, og må frå etableringa ha ei klagenemnd som sikrar lik handsaming av alle som er studentar ved institusjonen jf Lov om universiteter og høgskoler § 5-1.

Klagenemnda er klageinstans for enkeltvedtak høgskulen gjer som gjeld studentar. I tillegg gjer klagenemnda vedtak som første instans i saker som gjeld forsøk på fusk, mistanke om fusk og medverknad til fusk ved eksamen. Klagenemnda har også ansvar for å gjere vedtak i skikkasaker og saker om merknad på politiattest.

Formelle krav til samansetjing

Universitets- og høgskoleloven § 5-1. (2)

Klagenemnda skal ha fem medlemmer med personlige varamedlemmer. Leder og varamedlem for leder skal fylle de lovbestemte krav for lagdommere. Leder og varamedlem for leder skal ikke være ansatt ved institusjonen. To av medlemmene skal være studenter.

(3) Representanter for institusjonens eier eller medlem av institusjonens styre kan ikke være medlem av klagenemnda.

Arbeidsgruppa sine framlegg:

Namn:

Klagenemnda ved Høgskulen på Vestlandet

Samansetjing:

Leiar: HiB foreslår leiar frå det juridiske miljøet i Bergen

Vara for leiar: HiB foreslår vara for leiar frå det juridiske miljøet i Bergen

Medlem 1: Fagtilsett frå HiSF

Vara for medlem 1: Fagtilsett frå HiB

Medlem 2: Fagtilsett frå HSH

Vara for medlem 2: Fagtilsett frå HiB

Medlem 3: Student frå HiB

Vara for medlem 3: Student frå HiB

Medlem 4: student frå HiSF

Vara for medlem 4: Student frå HSH

Tabell - fordeling av representasjon

	Leiar	Vara for leiar	Medlem fagtilsett	Vara for fagtilsett	Medlem student	Vara for student
HiB	1	1		2	1	
HiSF			1		1	
HSH			1			1
Sum	1		2		2	

Grunngjeving

Det vert foreslått at leiar og vara for leiar vert peika ut av HiB frå juristmiljøet i Bergen. Der er det god tilgang på kandidatar til eit slikt verv. Det vert foreslått at det vert oppnemnt ein medlem (fagtilsett) frå HiSF og ein frå HSH, og at begge dei personlege vararepresentantane vert oppnemnde frå HiB. Dette gir alle tre fagmiljø innsyn i saksarbeidet. Klagenemnda for den nye institusjonen vil ha behov for mange møte, og i praksis vil det ofte vere bruk for minst ein vararepresentant.

HiB som den største institusjonen vil ha ein studentmedlem med vara frå HiB, slik at studentane frå HiB alltid er representert. Studentmedlem 2 vert oppnemnd frå HiSF som er den nest største institusjonen. Vara for denne studenten skal vere frå HSH.

Møteavvikling

Møte i klagenemnda vert gjennomført nettbasert så langt det let seg gjere. HiB er til vanleg møtestad for saker som krev at klagenemnda sit samla.

I saker der studenten har rett til å la seg bistå av advokat, kan student og advokat få møterett for å legge fram saka si etter vurdering av sekretariatet. Møtet kan gjennomførast nettbasert etter avtale med studenten.

Sekretariat

Sekretariatet vert leia frå HiB. Det er naturleg at sekretariatet vert knytt opp mot leiar av klagenemnda som vil ha tilhald i Bergen. Sekretariatet vert sett saman av ein eller fleire sekretærar frå kvar av dei tre institusjonane. Sekretariatet bør ha minst ein medlem med juridisk kompetanse. Sakshandsaming skal føregå i Public etter ein felles mal for kvar sakstype.

Saksførebuing skal fordelast mellom medlemmane i sekretariatet. Til vanleg vil saksførebuinga bli gjort av sekretær på den campus/nærregion studenten er knytt til, eller har søkt opptak til. Det kan vere aktuelt på sikt at sekretærane fordeler nokre fagfelt mellom seg.

Leiar av sekretariatet lagar innkalling og protokoll for møte i klagenemnda og koordinerer arbeidet med å førebu saker. Kvar sekretær har ansvar for å følgje opp dei sakene vedkomande har førebudd.

Møteplan

Sekretariatet fastset møteplan med eit møte per måned for klagenemnda for minimum eitt semester av gongen.